



**«Тұрмыстық зорлық - зомбылық және
оның алдын алу»
ата-аналармен профилактикалық кездесу**



№74 жалпы білім беретін орта мектеп

Бекітемін
Директордың тәрбие ісі жөніндегі
орынбасары: М.А.А.Д. Разакова Ж.А.
«14» 09 » 2022ж



*«Отбасы құндылықтарының бала
өміріндегі маңызы»*

Отбасын сақтау медиаторы Әбілдіева Бибігүл Әбдішүкірқызымен кездесу

Ұйымдастырушы: ДТДЖО: Разакова Ж.А.
Алдабергенова Г.Б.
Әлеуметтік педагог: Елекеева Ж.А.
Психолог: Әбдімұрат Ж.Ә

«Отбасы құндылықтарының бала өміріндегі маңызы»

Фанфар

Тренинг: «Менің атым.... Мен өзімді осы қасиетім үшін жақсы көремін»
Мектеп психологы Ж.Ә.Әбдімұрат

1-жүргізуші:

Халық арасындағы «Отан отбасын басталады» деген қағидаға айналған сөз қай кезде болсын өзгерген емес, өзгермек те емес. Отбасы - кез келген адам өмірінің ең маңызды бір бөлігі. Өйткені, ол белгілі бір әлеуметтік институт. Тәрбиенің негізі жанұядан бастау алатындықтан, оған немқұрайлылық таныту мүмкін емес.

2-жүргізуші:

Қазақта «Ұяда не көрсен ұшқанда, соны ілерсін», «Ата көрген, оқ жонар, шеше көрген тон пішер» деген өлшемдерге қарайтын болсақ, бар мәселе отбасынан басталатынын ұғуға болады. Ұлт болашағында отбасы ең басты тұғырды иеленеді. Осы орайда отбасы күніне арналған «Отбасы-бақыт мекені» апталығының жоспарына сай «Отбасы құндылықтарының бала өміріндегі маңызы» атты кездесуге қош келдіңіздер.

Алғашқы сөз кезегін мектеп директоры А.Б.Қонысбайұлына береміз.

1-жүргізуші:

Бүгін бізде қонақта – «Алтын алқа», «Қазақстанның Құрметті азаматы» төсбелгісінің иегері, Қазақстан Республикасының сот жүйесінің 30 жылдығына орай «Қазақстан Республикасының сот жүйесіне 30 жыл» мерекелік медалі, «Патриоттық белсенділігі үшін», «Абай Құнанбайұлы 175 жыл, «Ұстаз ұлы тұлға», «Өнерге қосқан үлесі үшін» медальдарының иегері, есімі «Қазақстанның ең үздік әйелі» энциклопедиясына енген, «Дәстүрге жол» қоғамдық бірлестігі жанындағы аналар мүшесі, «Анаға тағзым» отбасын сақтау орталығының тәжірибелі медиаторы Әбілдаева Бибігүл Әбдішүкірқызы. Бүгінгі кездесуді Отбасы күніне орай ұйымдастырып отырмыз. Сөз кезегін өзіңізге береміз.

2-жүргізуші:

Отбасылық құндылықтарының мәуелі бәйтерегі ол-ана. Анадан алынған тәлім-тәрбие өмір бойына созылады. Жанұядағы ана орны ерекше болып қалмақ: «Ол алғашқы күннен бастап, басты борышын, яғни тәрбие жұмысын атқарады». Бойларымызға жақсылықты дарытқан, мардымды істер жасауға дағдыландырған барша аналарға мың алғыс айта отырып Бибігүл Әбдішүкірқызы осы жөнінде сіздің пікіріңізді тыңдағымыз келіп отыр.

1-жүргізуші:

Шанырақ құндылықтарының екінші бір сатысы жақындарымен жалғасын табады. Мәселен, жанұядағы ата мен әженің ролі де айрықша. Олардың дүниеге деген көзқарастары мен өзіндік талғамдары жасы кіші балаға өнеге болары анық. Тәлім-тәрбиенің негізі ата-анадан кейін қастарындағы жақын адамдардан үлгі алу арқылы қалыптасады, өзіндік жеке ұстанымдарды дамытуға септігін тигізеді. Осы орайда отбасындағы тәрбиеге ата-әженің қаншалықты маңызды рөл атқаратыны жөнінде Бибігүл Әбдішүкірқызы ойыңызды айтып өтсеңіз.

2-жүргізуші:

Ата-ана қаншалықты жұмысбасты болып, шаршап-шалдығып жүрсе де бала тәрбиесіне мән берулері тиіс. Балаға әке мен ананың бірдей көңіл бөлуі әбден қажет. Бибігүл Әбдішүкірқызы сіздің медиатор ретінде қанша отбасын сақтап қалуға септігіңіз тиді? Өз тәжірибеңізді айтсаңыз.

1-жүргізуші:

Отбасы құндылықтарына негізделген салт-дәстүрлерді ұлықтау - әр шаңырақтың өзіндік міндеті болып саналады. Кез келген жанұяның өзгелерден ерекшеленетін құндылықтары болады. Олар бұрыннан келе жатқандар немесе жаңадан пайда болғандар да болуы мүмкін. Алайда, отбасыдағы құндылықтардың негізі махаббаттан, сенімнен, өзара түсіністіктен бастау алып, алдағы өмірде де жалғасын табады десем, жаңылыскандық болмас. Осы ретте ата-аналарға сауал қойғым келіп отыр. Сіздің отбасыңызда қандай ерекше құндылық (қағида) бар?

1-жүргізуші: Отбасының берекесін арттыратын ең маңызды, басты 5 құндылық? Сіз осы құндылықтарды отбасыңызда ұстанасыз ба?

2-жүргізуші: Отбасын неше жаста құрған дұрыс?

1-жүргізуші: Қоғамда ажырасу фактілері көп белең алып жатыр, соның себебі неде?

2-жүргізуші: Енді кезекті бейнероликке берсек (осы бейнеролик арқылы қандай ой түйдіңіздер)

1-жүргізуші:

Бүгінгі біздің мектебімізге алтын уақытыңызды бөліп, аса құнды ақыл-кеңестеріңізбен бөліскеніңізге алғыс айта отырып әсем ән жолдаймыз. Музыка пәні мұғалімі Нұрсұлтан Сәкенұлы «Ана жаным» әнімен.

Мектеп психологы Ж.Ә.Әбдімұрат

Бүгінгі кездесуді әдемі көңіл-күймен аяқтасак.

Тренинг: «Біз сізге ... тілейміз. Ал сіз ше?»

(қонаққа сыйлық табыстау)

2-жүргізуші:

Жанұя - жеке құндылықтарды қалыптастырудың қайнар көзі, тәрбиенің бастауы. Әр үйде балалар санасына ұлттық құндылықтарға деген көзқарастарды, салт-дәстүрлер мен әдет-ғұрыптарды, даналық сөздерді, тәрбиенің жоғарғы үлгілерін сіңіретін де отбасы. Осы негізде отбасынан жалғасын табатын құндылықтар негіздерін ұмыт қалдырмай, жаңғыра түсейік, рухани болмысымызды жоғалтпайық!

Анықтама

Ақтөбе қаласы «74 жалпы білім беретін орта мектеп» КММ-сі
Отбасы күніне арналған «Отбасы-бақыт мекені» апталығының жоспарына сәйкес
өткізілген «Отбасы құндылықтарының бала өміріндегі маңызы» тақырыбындағы кездесу

Қыркүйек айының 14-күні «Отбасы-бақыт мекені» апталығының жоспарына сай «Отбасы құндылықтарының бала өміріндегі маңызы» тақырыбында «Алтын алқа», «Қазақстанның Құрметті азаматы» төсбелгісінің иегері, Қазақстан Республикасының сот жүйесінің 30 жылдығына орай «Қазақстан Республикасының сот жүйесіне 30 жыл» мерекелік медалі, «Патриоттық белсенділігі үшін», «Абай Құнанбайұлы 175 жыл», «Ұстаз ұлы тұлға», «Өнерге қосқан үлесі үшін» медальдарының иегері, есімі «Қазақстанның ең үздік әйелі» энциклопедиясына енген, «Дәстүрге жол» қоғамдық бірлестігі жанындағы аналар мүшесі, «Анаға тағзым» отбасын сақтау орталығының тәжірибелі медиаторы Әбілдаева Бибігүл Әбдішүкірқызымен кездесу өткізілді. Шақырылған қонақ пен қатар мектептің ата-аналар комитетінің мүшелері де қатысты. Мектеп психологы Ж.Ә.Әбдімұрат шақырылған қонақтарды таныстыру мақсатында «Менің атым ... Мен өзімді осы қасиетім үшін жақсы көремін» тренингін ұйымдастырды. Кездесу барысында отбасындағы бала тәрбиесі, әкенің ананың рөлі қандай болуы керек жөнінде әңгіме қозғалды. Ә.Б.Әбдішүкірқызына ата-аналар тарапынан сұрақтар қойылып ойы тыңдалды. Кездесу соңында Ә.Б.Әбдішүкірқызы отбасы құндылықтары туралы кітапшаларын мектеп кітапханасына тарту етті. Алтын уақыттарын бөліп, аса құнды ақыл-кеңестерімен бөліскен қонақтарға алғыс айта отырып музыка пәні мұғалімі Нұрсұлтан Сәкенұлы «Ана жаным» әнін тарту етті. Мектеп психологы кездесу соңын «Біз сізге ... тілейміз. Ал сіз ше?» тренингімен аяқтап мектеп тарапынан кездесу қонағына сыйлыққа А.Құнанбайұлының «Соңғы жылдардағы өлеңдері» кітабын табыс етілді.



Ұйымдастырушылар: ДТІЖО – Разакова Ж.А

Алдабергенова Г.Б

Мектеп психологы: Ж.Ә.Әбдімұрат


Әлеуметтік педагог: Ж.А.Елекеева

Ақтөбе қаласы «74 жалпы білім беретін орта мектеп» КММ-сі

Бекітемін
№74 ЖББОМ директорының
тәрбие ісі жөніндегі орынбасары
Ж.А.Разакова 
«16» 11 2022 ж

**«Қылмыстық және әкімшілік
құқықбұзушылықтар үшін жауапкершілік»**

профилактикалық әңгіме
(7-10 класс оқушылары арасында)



Жауаптылар:
Г.Б.Алдабергенова
Ж.Ә.Әбдімұрат
Ж.А.Елекеева

**«Қылмыстық және әкімшілік құқықбұзушылықтар үшін
жауапкершілік»
профилактикалық әңгіме**

Мақсаты: оқушылардың құқықтық білімдерін тексере отырып заң алдындағы жауапкершілікті арттыру, жасөспірімдердің құқық бұзушылығын алдын-алу, қылмыстық жауапкершіліктің түрлерімен таныстыру. Конституцияны т. б. құқықтық нормативтік актілерді орындап, құрметтей білуге үйрету, адамгершілікке, ұлтжандылыққа, құқықтық сауаттылыққа тәрбиелеу.

Құрметті ұстаздар және оқушылар! Бүгін сіздермен «Қылмыстық және әкімшілік құқықбұзушылықтар үшін жауапкершілік» тақырыбында профилактикалық әңгіме жүргізгелі отырмыз. Мемлекетіміздің ата Заңының 1 – бабында Қазақстан Республикасы өзін демократиялық, құқықтық және әлеуметтік мемлекет ретінде орнықтырылды. «Оның басты қазынасы – адам және адамның өмірі, құқықтары мен бостандықтары» деген қастерлі сөзді кіргізген. Бүгінгі құқықтық мемлекет құрамыз деген заманда әрбір адам өз құқықтарын жете біліп, жалпы заң білімі саласынан мағлұмат алғаны дұрыс. Заңды аттамай, тура жолмен жүріп, еліне адал қызмет еткен азамат қана мұратына жетеді. Сондықтан заңды білу – заман талабы. Бүгінгі іс-шарамызда біз жасы кәмелетке толмаған жасөспірімдердің арасында жиі кездесетін қылмыс түрлері мен жазалар туралы сөз қозғаймыз. Өйткені қазіргі қоғамдағы ең маңызды мәселерінің бірі – бұл жасөспірімдердің арасындағы құқықбұзушылық пен қылмыстың көбеюі. Ал осындай жағдайлардың алдын алу үшін, болдырмау үшін әрқайсымыз не істеуіміз қажет? Осы сұрақтарға жауап беретін арнайы мамандар шақырған болатынбыз №4 қалалық полиция бөлімінің кәмелетке толмағандар істері жөніндегі учаскелік полиция инспекторлары, полиция капитаны Жұбаназарова Алмагүл Қарашқызы және полиция аға лейтенанты Туменбаев Жұлдызбек Габдигалиевич. (видеоматериал көрсетіледі)

«Сенің құқығың!» баптарды еске түсіру (слайд)

14-бап

1. Заң мен сот алдында жұрттың бәрі тең.
2. Тегіне, әлеуметтік, лауазымдық және мүліктік жағдайына, жынысына, нәсіліне, ұлтына, тіліне, дінге көзқарасына, нанымына, тұрғылықты жеріне байланысты немесе кез келген өзге жағдаяттар бойынша ешкімді ешқандай кемсітуге болмайды.

15-бап

1. Әркімнің өмір сүруге құқығы бар.
2. Ешкімнің өз бетінше адам өмірін қиюға хақысы жоқ. Өлім жазасы адамдардың қаза болуымен байланысты террористік қылмыстар жасағаны үшін, сондай-ақ соғыс уақытында ерекше ауыр қылмыстар жасағаны үшін ен ауыр жаза ретінде заңмен белгіленеді, ондай жазаға кесілген адамның кешірім жасау туралы өтініш ету хақы бар.

16-бап

1. Әркім өзінің жеке басының бостандығына құқығы бар.
2. Заңда көзделген реттерде ғана және тек қана соттың санкциясымен тұтқындауға және қамауда ұстауға болады, тұтқындалған адамға шағымдану құқығы беріледі. Соттың санкциясынсыз адамды жетпіс екі сағаттан аспайтын мерзімге ұстауға болады.
3. Ұсталған, тұтқындалған, қылмыс жасады деп айып тағылған әрбір адам сол ұсталған, тұтқындалған немесе айып тағылған кезден бастап адвокаттың (қорғаушының) көмегін пайдалануға құқылы.

17-бап

1. Адамның қадір-қасиетіне қол сұғылмайды.
2. Ешкімді азаптауға, оған зорлық-зомбылық жасауға, басқадай қатыгездік немесе адамдық қадір-қасиетін қорлайтындай жәбір көрсетуге не жазалауға болмайды.

19-бап

1. Әркім өзінің қай ұлтқа, қай партияға және қай дінге жататынын өзі анықтауға және оны көрсету - көрсетпеуге хақылы.
2. Әркімнің ана тілі мен төл мәдениетін пайдалануға, қарым - қатынас, тәрбие, оқу және шығармашылық тілін еркін тандап алуға құқығы бар.

22-бап

1. Әркімнің ар - ождан бостандығына құқығы бар.
2. Ар-ождан бостандығы құқығын жүзеге асыру жалпы адамдық және азаматтық құқықтар мен мемлекет алдындағы міндеттерге байланысты болмауға немесе оларды шектемеуге тиіс.

Қорытынды. Сонымен, қылмыс – бұл Қылмыстық кодекспен тыйым салынған қоғамға қауіпті іс - әрекет.

Барлық қылмыстар сипаты мен қоғамға қауіптілік дәрежесіне қарай төртке бөінеді: онша ауыр емес қылмыс, орташа ауыр қылмыс, ауыр қылмыс және аса ауыр қылмыс.

Қылмысқа қатысу, бірнеше адамның біртұтас қоғамға қауіпті нәтижеге жету үшін өз күш әрекеттерін біріктіруін білдіретін қылмыстық әрекеттердің ерекше нысаны. Қылмысқа қатысу тек қасақана қылмыстарда ғана болады, қылмысқа қатысушылардың барлығы қасақаналықпен әрекет етеді. Қылмыс жасау салалары – бұл адамның қылмысты қасақана жүзеге асыруының белгілі бір сатылары болып табылады.



**«Қылмыстық және әкімшілік құқықбұзушылықтар үшін
жауапкершілік» тақырыбындағы профилактикалық әңгіменің
анықтамасы**

20 қараша – Халықаралық балаларды қорғау күніне арналған «Бала құқығы-адам құқығы» тақырыбында апталық жоспары құрылып бекітілді. Жоспарға сәйкес 26 қараша №4 қалалық полиция бөлімінің кәмелетке толмағандар істері жөніндегі учаскелік полиция инспекторлары, полиция капитаны Жұбаназарова Алмагүл Қарашқызы және полиция аға лейтенанты Туменбаев Жұлдызбек Габдигалиевичтің қатысуымен 7-10 класс оқушыларына «Қылмыстық және әкімшілік құқықбұзушылықтар үшін жауапкершілік» тақырыбында профилактикалық әңгіме жүргізілді.

Кездесу барысында полиция қызметкерлері оқушыларға келеңсіз жағдайлардың алдын алу мақсатында кез келген құқықбұзушылық үшін жауапкершіліктің, жазаның бар екендігі туралы түсіндірме жұмыстарын жүргізіп арнайы видеоматериалдар көрсетілді. Оқушылардың сауалдарына жауап берілді.

Әлеуметтік педагог: Ж.А.Елекеева